

八瓊室金石補正續編

唐十 神龍元年五月景龍二年

唐十

六百四十三行

三十三間

國行真浮圖頌

高二尺三寸五分廣一尺四寸左面年月題名八行字徑  
八分又頌七行正面頌十五行右面頌十二行字徑  
字至二十八字不等  
字徑六分均正書

大唐神龍元年八月五日浮圖主騎都尉國行真

曾

祖嵩

齊任[匱]遠將軍

祖相

唐授驃騎將軍

父嚴

唐授文林郎

亡兄公仁

貞母尹供養

妻李

男知友

妻蘇

男知畧

妻魏

男知憚

男知讓

兄男知論

母孟

妻馮

孫男奉珪

唐神龍元年八月五日

孫女斌媚

孫女藥尚合家供養

國行真浮圖頌

粵以慧演不測測之莫究其深法路難尋尋之同窮其遠惟  
寂惟滅不可以智知非有非想焉得以意識寔乃日宮廣闊  
刻石於是雲興月殿高開鎔金以之霧起爰有棲神鶴樹庇  
體雞林者其惟國行真乎瞻言所里即冀州信都人也齊歸  
父之苗裔國佐之後也 曾祖嵩警軼囊沙下電騎於天上  
榮隆滅竇達虹旆於雲中齊主以功授國遠□軍卒能宏宣  
王業逮乎歿齒 祖相屬隋王失馭振鶴翼以殞張暨 唐  
祚克昌勅魚麗而鳳舉適能危冠而出秀氣雄勉捷之功偉

劒而赴緊□壯摧剄之烈 唐皇榮功授驃騎將軍仍屢加  
褒賞亡 考諱仁最風雲發秀麗藻駢闐馬之談金石吐心  
思涌寫窓雜之辯脩隨物化邁戾丁艱色嗟崩和嶠之松鄉  
涕塵□康之玉 夫人尹氏貞閑作則明敏輟於山家懿範  
成規機鑒隆於□氏屬若襄川箭水傷龍劒之雙沈崑嶠翻  
飆軫帝梧之兩碎其日行真孝深同極終追負米之悲哀控  
彼蒼竟想茹黎之歎□以歸依妙覺趨尚菩提精意福田功  
詢正業議若探珠酌海畢獲名珠採菓□山誠收妙菓上為  
皇帝及先亡 祖考并見在合家大小敬造石浮圖一所  
削成七級內外尊像并餘鋪遯乎堂基控地局仙阜以孤危

獻

疊翠千天聳雲峯而獨秀金人煥爛盡巨好於芳園寶舍名  
光極宏規於淨域宵懸慧燭光通射雉之郊畫燕優墨香遍  
乘魚之境左隣文劇綠蛇於□去來右控長川青雀以之還  
往珥環璧景彩靈鳥以發揮鉤□金波藻銀華而寫耀夫以  
歲踵乙巳月掾金高揆王紐以成功王曦而事畢於是用  
旌令德刊孝敬於元銘式表禎誠勒嘉猷於翠圖其頌曰  
猗歟至聖有化無垠乃虛乃靜惟聖惟神苦空作則冥滅為  
因濟溺侶於舟子拯含生於釋奠其於穆大 唐建承 皇  
極通三御六乘軋履翼萬方有截 一人以德化洽無為誰  
知 帝力 二 偉哉 王考清規邁俗調合宮高式昭崇辱楊

旌秣馬振纓鳴玉燠灼都邑名叅 帝銘其三國乎嚴 考尔  
誨齋楹一埋卒歲千載空名仰希吊鶴俯應仙銘榮翔銅馬  
遊狎佳城嶼岩峩埤堵巢巖插空上下寶舍内外金容輪高  
漏日鐸迴吟風表天地而永固體山岳以長隆其子兮樂貌  
竭誠墳穴屬慕花以哀園陟此岵而悲咽履霜庭之心痺睨  
風條之漉血逮圖像以長存勒芳猷而不闕其六

州助教邢施僧文

魏園度書

碑當在冀州而通志冀州金石未載此頌題名云父最  
亡兄公仁文則云考諱仁最當是撰文者之誤傷龍劍  
之雙沈之字旁補名叅帝銘銘與韻不協不知何字誤

書也。𠄎書測洽从𠄎疾从广揚从木倮作倮懿作懿旌  
作旌最作最究作究廣作廣商作商華作華猷作猷釋  
鐸作釋鐸皆別體字

□文政墓誌銘

方一尺五寸二十二行行二十五  
至三十一字字徑五六分正書

首行棕  
題全泐

□□客字文政其先扶風人也隨任遷居故今為邢州青山  
縣人焉丹□□含八川之粹氣紫泉流慶飛三輔之英聲  
別派躡涅遂傳芳於茲邑言□□可畧言矣祖通中承  
亞聖大賢散騎常侍後遷恒州真定縣令□□耀日施臨岱  
國之符帝惟聞哥高取漢皇之印□將軍之車騎寵□□  
京兆尹之風神聲飛李蔡高才大畧鄉俗所推強記洽聞  
□□□□金□坐銅墨而多閑白雪調絃履脂膏而不潤

唐神龍二年十月



父 政少而岐嶷□□□遠量天性孝友重幼時使卓尔  
不群閑曠寡欲不言世利博尋經史□有□州閭鄉黨並  
敬而慕之朝進公卿皆願通友遂聲名遐振上□□□□  
□身參七畧志列五式出咆嘯於邊隅入屈骨節於行伍  
宜謂彼蒼不□□□春秋七十有三終於私第夫 人  
何氏凝精瑞落分月以符□毓質銀□□□而□□故得  
器宏川嶽礼義峻其神隍理富窳瀛□<sub>德</sub>其性□□□  
□閑家之悔是同五德不足六內壹之規斯□□其<sub>初下</sub>鏡  
□粧蓮翳蒼惟之□氣春秋三十終於□□以神龍二年十  
月□□塋於青山縣南十里平原礼也其中西隣鵲□与□

俱

滕

□而連峯□□□濱共滄溟而洗滌南□□□俱□者初下□  
 □屢集嗣子胡仁等□昊天之日極徒□負米之悲□□達  
 魂有勝□第之應慕我□□松柏頤□恐陵谷之遽遼□□  
 文□為記其詞曰

□泉毓德河水降祥氤氲□□□芬芳□枝分葉立紀□  
 網□□□□□□□其□纓□襲冠蓋□□蟬聽□□□  
 □鏗鞠□□遐迩□□□□□□□欽明其二□  
 地有依昊天□報□□□□□□□□□□□何告  
 □初下

此誌漫漶不見姓氏其名為客亦涉疑似惟字文政則

尚明顯然其父諱政子不宜以政為字不可解也序文  
有錯落字寫刻潦草存俟再參

白鶴觀碑

高七尺有餘廣三尺九寸三十八行行七十字方界格徑一寸正書在長子

大唐潞州長子縣白鶴觀之碑額四行字徑一寸分象書

盖聞有明有晦□陽不測之謂神無始無終言象莫筌之謂  
道夫道者不可以形聲察不可以方所□□予□□□隨迹  
□□□□□極言天地之□□□□□□可傳而不可□  
□悅惟忽可得而不可□伏戲之襲氣毋肩吾之處太山莫  
不體之以為靈因之以成聖

太上元元□□□□□□□□當玉晨玉帝之尊竦鶴駕  
於元洲控龍輿於紫府吸風飲露翔八景而□上□□雪餐

遙

霞出九天而□□素問□□宮之□□□□之□□  
□□還魂反魄斯乃被諸開冊無待一二評焉故能北朕  
帝先發揮皇極降天族於元北啓邦基於素白□□皇唐  
承□□之遙源襲浮雲之遠構□□而□□□□□□以  
馭中區曰者隨運崩離生靈版蕩白波以之騰沸黃神於是  
嘯吟

高祖神堯皇帝誓鉞參墟披圖汶水荷圖數之昌運馭斗極  
之號兵東伐西悲南征北怨正傾維於赤縣□□□於蒼生  
四海同其樂推戴□□以□□

太宗文武聖皇帝誕靈虹渚毓照蛟門體日角以鑿乾稟星

□而出震 神謨電舉 聖略泉迴□青天以鳳翔騰紫□  
而龍戰綏旌所拂則万里□銷揚□□□百城冰漬掃崩  
雲而消六合息閩川而晏九瀛重闕寔寓更張禮樂人靈俾  
乂品物昭蘇振長策以馭遐荒執□□而移弊俗□二儀之  
燾載並出阡危之兩耀之昭迴□安仁□

高宗天皇大帝發祥雷澤集祉雲房受綠地之靈符應元宮  
之景命叶准繩於石紐契法象於珠衡履□登□握□齊巽  
鑑洪範而亭育象耀魄以財成黔首安其寢繩□髮欣其擊  
壤靈臺徂伯載蕭斧而息輶鈴雍館導師啟黉門而興雅頌  
道既貞矣時又清矣期已昌焉代亦康焉於是高明演眈沈

舒

徵

潛薦祉聘遺風於澤馬驚流水於山車鳳至門庭鶴生□石  
黃龍入紀朱鴈登歌集五老於星躔朝七神於雪路佞枝<sub>困</sub>  
草佩綠舒丹連理合芳□階被苑涌金□於翠渚□瓊檢□  
□河瑞空浮若月之暉清漢縹非烟之□祥鳥瑞象不絕青  
史之畫禎極靈茅相繼白藏之府掩開梧而設徽迎建木以  
疏封蠢蠢鱗衣集中區而襲冠帶悠悠毳駕□大道而陪闕  
庭□一氣於銅儀調四時之玉燭紺轅黛輶屢申千畝之勸  
紅粟杰苗每獲九秋之稔為而不宰執契比於神功用而不  
知鑿井忘於帝力遂乃冒禮茅絕告成松□謁□□□三  
□□梁陰而朝萬玉於是垂衣衡室布政合宮□□化聿興<sub>而</sub>

鐸

無為而壽域斯泰稽上皇而比德則仁超九翼之前接近古  
而論功則道出六飛之外陰堯天者後承元之之海  
者詎識滄溟之澤方謂昆吾駐景長煦而之砥柱輟流  
鎮之而戲廣豈意彤巖鑄鼎湖瀝飛珠丹竈之術既隆白  
雲之駕俄遠羣方遐密共切朝像之悲萬國之慕  
之慕

則天大聖皇后稟睿庭山資靈渭溪冠清暉於潤石照茂範  
於曾沙將聖多能既明且懿知藏往之之索隱  
鈎深智出天人之外象之秘元珠之鏡之莫不摠  
照靈臺同包禮器故能光玉衣之遠慶贊金展之休徵以偃



兩

月之真儀構捫天之丕緒思賢屬想雅□□□□逮下經  
懷芳聲振於樛木二妃匡舜俱慙內□之功三母翊周並謝  
扶成之美孝光四海至性感於神明忠積九重深誠格於穹  
昊及峻狼沉景弔鳳興悲攀紫極而□心□□□□五  
虔膺顧託肅綜樞機□創業於彝章□延慈於北庶永惟  
先聖茹慕終天以為裂骨靡軀竟無補於遷拔祈仙契道庶  
有益於津梁遂降綸言廣興□□□□□□修葺白  
鶴觀者垂拱二年之所立也□時朝野乂安遐迹簡晏坤元  
之德方遠雲幕之化惟新因玉府之有餘起琳房之寶構斯  
則韓趙之舊境辛馮之故跡寶而河之勝地□□城之奧區

置

鴈嶺鎮其西魚陂蕩其□左瞻□□□連□□之居右控通  
□路接風郵之影於是揆日晷考星耀設表置泉授梓榆材  
漱金殿而排霄闥珠樓而望月翠觀岑□□閣□□□元□  
之高居法青陽之上府疊祥火而構□逍遙□□□□絳  
氣而為臺放曠琤琤之地開紫元之靈相啓黃蓋之真容玉  
樹瑤林含九韶之妙響築池花沼帶五□之□光□□仁□  
乘太虛而萃止蜺裳容曳□上界而□遊固可以獻□□山  
薦祥稽嶺鎮怡神於寶地永納祐於鄴都垂拱二年長子縣  
軍朝散大夫高同營創基宇造立尊容建此豐碑旌以功德  
屬高公坐事去官歷載推遷不違修□伏惟

圖

應天皇帝陛下睿圖鼎盛寶命惟新累聖重光上下禔福  
神靈滋液中外□和契叶天人膺納符籙功業與黃羲合矩  
聲教與日月均暉證神睭於提□憑勝緣於太一欲使九龍  
七鳳化漸雲居玉洞金鑾真凝淨域文物所以極天蟠地生  
靈於是謳吟抃舞河清海謐歲阜時康朝議郎行長子縣令  
鄭璉辰像授精山河誕粹銳器出昆吾之域□□生太山之  
阿璉瑤羅生波濤汨起南宮電履北海橫經載德象賢不愆  
於弓冶隆家裕蠡靡墜於萬堂純孝至忠親仁接友漁獵百  
氏琢磨六藝修身立志露潔冰清撫俗字人風□草徂阜魯  
之化更重睹於當今補密之規不獨聞於在昔並白貞諒主

常

齊物物薄幸齊物尉王晟張瑜等並江湖蓄潤彩藍孕彩風格增峻  
牆宇難窺思辨卿雲學諫流略含吐宮羽隱括循良或歷□  
優□或初嬰下秩咸能蹈因緣之閭與竭營衛之精誠觀主  
谷太希上座常齊物監齋任太素練師李知白威儀程遊元  
法師韓馴蛻等並業彰善救體應徐生□鴻寶之微篇侍蛻  
裳之遠駕道士關無固韓道宗宋子仙魏元宗萬冲仙楊翥  
鶴範探元範習莊王羽客李真邃等勁節霜明清心月映超  
風塵而不雜泛道德以孤征道士郭法□亢光隱□□□此  
空八十並依仁踐義蹈禮鳴謙或並仕周行或棲閑鄭圃願  
六格循諸□攀日姓以承恩伏想帝鄉軫天崩而倍憶乃與

闕神

圖

邑宰鄴公及觀主等造□□像同立勝緣上奉聖因側申追  
福日光月光之相照燭仙京左元右元之儀輝煥金闕怡神  
湛寂似一氣之非遙寓目消澁□重陽之未遠以為炎涼遞  
代土明之劫□雷陵谷□□□之□□變自非圖徵素篆  
勒美翠瓊何以表懿跡於脩期紀元功於遠業爰命庸謏俾  
述聲塵輟課下才式旌高烈其詞曰

悠哉衆妙邈矣重元察之無象尋之無邊埏埴九地陶鑄三  
天北朕皇極權輿帝先於赫睿唐寔惟仙元應運甄海  
岳時□震龍□叅墟鳳翔□晉大□□□□□□珠  
照握鏡重光凌躡千古半龍百王朝宗絕域縉紱遐荒仁

虛

高白帝化叶朱襄 元聖纂戎大橫承緒赤方連耀青雲干  
呂御錄榮河□□□□向明齊□□□□□□□□  
□□琴天門鑒玉日觀泥金壽域方秦悲泉遽沉慕凝蒼野  
哀纏穀林 穆穆坤元泣承 遺託仁清月烜化貞雲幕攀  
聖九霄崩心五木□□□□□□□□□□□□□□  
□方擇茲金地式建琳房星列珠柱虹分玉梁去來鶴駕棲  
息蛇震 茂宰具僚家承纓弁濟俗百里澆風一變黃綬清  
班元都勝□共崇像設同興□□□□□□□□□□□□  
□□□□崩排雲榮浮田彩浦漾風文烟霞散亂松石糾紛  
地裂瑤城道詢黃蓋祥流萬品福資三大金沼濯靈玉虛

銷殫長勒美於仙石永飛聲於天□

碑不著撰書人名訪碑錄次垂拱二年此縣宰高同建觀立碑之年也文云屬高公坐事去官厯載推遷不遑修□伏惟應天皇帝陛下睿圖鼎盛寶命惟新云云按中宗復辟改元神龍十一年上皇帝尊號曰應天據此則碑刻於神龍元年十一月以後可知又云伏想帝鄉軼天崩而倍愴乃與邑宰鄭公及觀主等造□□像同立聖緣上奉聖因側申追福按武后崩於神龍元年十二月據此則碑刻於神龍二年又可知古人豐碑先立而後書刻是碑立於垂拱二年越二十年始勒此文孫

氏列垂拱二年者未卒讀碑文故也



岱獄題名三段

高仁敬等題名

高八寸廣一尺二寸中上行  
行六十七字每字縱七分五釐

勅使太中大夫內侍省內謁者高仁敬

供

勅使前上清大□三景弟子內供奉朝散大夫守尚衣奉御

王崇暉等粵以神龍三年肇春設祭式昭歲月因紀名焉

典內闢人輔餘祚典今史魏遺虞

鮑懷坦等題名

高八寸廣九寸八行行  
每字縱七分五釐

大唐景龍二年三月十三日尚黨鮑懷坦潁川陳休□被使

□岳陪位祈祭詳觀舊跡咸勒石以記焉叨預明時可

銷聲而不錄庶傳芳於萬古經千秋而靡聞下

唐神龍三年

張元□殘題名

在國慶六年郭行真一則之左  
廿餘所存字不一字徑七分正書郭刻已載草編

大唐景龍二年歲次戊明下日乙巳奉

勅明下肅影中達

詣夫子之明下府君之靈宇幾述明下之翳賴雲霏五明下之懃誠

屬席明下

勅東岳祈明下國張元明下

勅使奉

勅使

右題名三紙其一與顯慶六年郭行真一刻連屬郭刻載

草編為岱嶽觀碑則此北三刻亦即在是碑矣不解草編及

山左金石志何以不載金石家亦均未著錄審其石狀書

勢並搦本紙質墨色自在一處也上黨作尚潁川作潁皆  
異文

慧化寺僧靜贊等造經碑并兩側

碑斷二截高共四尺六寸有餘廣二尺五寸三分三十三  
行闊厚三寸七分四行行六十字正碑及左側皆經文右  
側記行五十六七八字字徑七分正書  
在房山西南六十五里白帶村關王廟

大唐奉為應天皇帝順天皇帝右師僧父母為法界含靈敬造

石經一條額正書一行行字橫字

佛頂尊勝陀羅尼經序

經文不錄

大唐幽州范陽縣慧化寺莊白帶□□房之頌并序 夫真

宗義浩禪門埋寂斷缺約三字福之場□□修心之□是以□□

□□□赤城之曲僧稠懇即齊偉慈嚴之外蓋超至境入

聖因澄明一心□□十佛必就于山林矣慧化寺斷坐靜贊

主武宏僧元巖等敬造之所建也崇崗左右長澗密迤鳳之所翔矯神仙之所窟宅巍巍檀閣便成般若之臺香園即引菩提缺斷安禪其禪院內奉

為應天皇帝順天皇右師僧父母敬造佛堂一輪弓奧既壯而麗粉壁黑丹虹梁霞艷踰三時缺斷之神宮其中又佛頂尊勝陀羅尼石經一條栗園宮

右慈化寺僧靜精等造佛堂及尊勝經碑年月缺佚經文序頌俱未全碑稱應天皇帝順天皇右知造於中宗神龍元年十一月以後景龍元年九月以前也經自正西繞左剛及碑陰環刻之序起自右側僅見四行而石

已無餘地題額及序止言造石經一條則必非連刻弟  
二石矣碑陰未得搨本或序頌後幅亦刻諸陰耶石斷  
為兩方斷處約缺三字澄明一心一字為妄人加鑿成  
二

龍興觀道德經并兩側題名

高六尺廣二尺七寸正面三十二行行七十一字  
碑陰三十三行行八十五至一百字不等字體六分正書在易州

大唐景龍二年正月龍興觀為□敬□道德經五千文額二

字字體寸  
分正書

經文不錄

前重光觀都監齊燕知威儀事至神龍元年召入龍興觀

檢校觀主張存行此行在正面  
通經末行下

碑側左七列右五列  
多寡大小不一正書

會  
前□州刺史澤師 州司功佐王仁會

□息上柱國伏安 州司倉佐韓思□

唐景龍二年正月

雲騎尉□□□□

萬整飛騎張宗

行息□□

右一列

前遂城府校尉劉

祖美□楊息遂城

府錄事欽敬女六娘

□□□

成元欽

右四列

仁勇校尉成守理

弟前代州郭縣主

薄守逸

第二列全初  
此第三列

重光觀前觀主

劉惠表

三洞弟子東岳先

生觀主格超然

右五列



三洞弟子□□先

生李仙芝

道士梁元徽

右六  
列

三洞弟子□□□□□

□□□□□□□□□

前□□□□□□□□□

都監劉□□此  
單書

威儀孫道昌  
此  
行書

右一  
列

前羽林飛騎上柱

國陳宏質妻鮮于

女四娘女夫劉裕女□子

右七  
以上左側

置觀度道士劉希真

□□度道士周尚元

□□道士解昇仙

置觀度道士趙倓

置觀度道士田大□

右二  
列

置觀度道士劉仙高 □主龐道□

則天度道士田□巖 右四列

則天度道士成仙道

道士□□慶道士滿虛心

右三列

□煙觀主成仙觀

威儀成正因□女官成仙德

女官成脩果 女官劉□□

女官劉仙駕

右五列  
以上右側

脩

右老子道德經兩卷上卷曰道經下卷曰德經德分兩面刻之案河上公注本道可道以下為道經卷上上德不德以下為德經卷下晁說之跋王弼注本謂其不析道德而上下之猶近於古不知陸德明所撰釋文正用輔嗣本題云道經卷上德經卷下與河上本不異晁氏所見者特宋時轉寫之本而翻以為近古亦未之攷矣予家藏石刻道德經凡五本惟明皇御注本及此本為初唐所刻字句與它本多異如無作无愈作俞芸作云譽作豫荒作忙佐作作喻作之翕之類皆從古字又如故能蔽不新成石本作能弊復成師之所處荆林生下石本無大軍之後必有凶年二

句上將軍居右下石本無言以喪禮處之句夫唯病病是以不病聖人不病以其病病是以不病石本但云是以聖人不病病是以不病此類皆遠勝它本聊舉一二以見古石刻之可貴也

潛研堂金石文跋尾

陸德明老子音義據王輔嗣注本稱老子道經音義德經音義此本亦分道經德經為二卷兩面刻之今世所行王輔嗣注本每經俱有分章此本雖不記章數然每章皆空一格以別之其中亦有與今王本不同者如今王本道沖而用之至象帝之先為三章天地不仁至不如守中為四章谷神不死至用之不勤為六章此本皆并為一故有之

以為利無之以為用今王本屬十二章此本無故字二句  
屬下章之首重為輕根靜為躁君今王本為二十七章此  
本屬上章之末陸德明老子音義已為後人改變其分章  
惜不得與此本一證之

平津讀  
碑記

右道德經碑在易州景龍二年正月立前代金石家未著  
於錄歐趙所收皆明皇御注懷州本今不傳邢州龍興觀  
石臺本歸震川集有跋今亦未見所傳拓惟易州八面石  
柱為蘇靈芝書之御注本刻於開元廿六年而景龍舊碑  
同在易州世人貴耳賤目無過問者蓋道德經自御注後  
頒列學宮久相傳習故余所見道藏七十餘本略同雖以

河上王弼二家校者亦頗改就御注而傳夾古本字句較  
繇亦難盡從則世間真舊本必以景龍碑為最其異同數  
百事文詎簡古遠勝今本者甚多今合蘇靈芝書御注本  
及河上王弼與釋文所載參互校勘條舉得失足證此刻  
之善老子道經一卷御注河上作老子道經卷上王弼作  
上篇无名各本作無下皆放此天地始御注與此同河上  
王弼作天地之始下句亦有之字常无欲觀其妙御注與  
此同河上此句上有故字觀上河上王弼有以字下句亦  
然眾妙之門白下空一字所以分章御注不空河上於道  
可道前題體道第一王弼題一章此無標目下皆放此相

形王弼作相較見釋文成功不居御注王弼作功成不居  
河上作功成而弗居不上賢各本上作尚使心不亂王弼  
使下有民字聖人治各本句上有是以二字王弼人下有  
之字常使民御注作使人使知者各本使下有夫字不敢  
為各本句下有為無為三字王弼有也為無為四字久不  
盈各本作或不深乎御注作淵似河上作淵乎似王弼作  
淵兮似為物宗河上王弼物下有之字湛常存河上作湛  
兮似若存王弼作湛兮似或存誰子河上王弼作誰之子  
蓋獨別體字索綯御注作索綯河上王弼句末有乎字不  
屈王弼願歡作不掘俞出各本作愈出元牝門天地根河

上王弼門上有之字。天地上有是謂字。長久者河上王弼  
長下有且字。故能長久。王氏萃編引邢州本。與此同。易州  
石柱及河上王弼作長生非也。以其无私釋文引河上與  
此同。御注王弼以字上有非字。王弼句末有邪字。又不河  
上王弼作而不善人。各本作善仁。古字通。政善河上作正  
善。不若其以各本作不如其已。古字通。而銳王弼作而稅  
長保邢州本作長寶。而驕御注作而憍。功成名遂身退王  
弼作功遂身退。傅奕作成名功遂身退。邢州本作名成功  
遂身退。能无離。傅奕及近刻王弼句末有乎字。下五句皆  
然。愛人各本作愛民。能無為王弼作無知。能為雌河上作



無雌能無知王弼作無為有之以為利各本句上有故字  
何謂寵辱辱為下王弼傳其作何謂寵辱若驚寵為下有  
大患各本句末有者字為我有身及我无身兩我字各本  
作吾故貴身於天下御注作故貴以身為天下與王弼同  
河上作故貴以身為天下者若可託天下御注王弼作若  
可寄天下河上作則可寄於天下永樂大典作則可以寄  
天下若可寄天下河上作乃可以託於天下王弼作若可  
託天下大典作乃可以託之天下者繩繩大典作繩繩兮  
以語今之有各本作以御以知古始御注王弼作能知是  
謂道已御注河上作道紀審觀王弼注當亦是已字豫若

冬涉川河上豫作與兮王弼作豫焉猶河上王弼作猶兮  
儼若客河上王弼儼下有兮其二字渙若冰將釋河上王  
弼作渙兮若冰之將釋下三句皆有兮字渙若濁曠若谷  
御注作曠若谷混若濁河上作曠兮其若谷渾兮其若濁  
王弼與河上同渾字作混安以動之御注作安以久河上  
王弼作孰能安以久大典作孰能安以無久字能弊復成  
御注作故能弊不新成河上作故能蔽不新成大典作故  
能蔽不新成案弼注蔽覆蓋也當與河上同吾以觀其復  
王弼無其字各歸其根河上王弼各下有復字忘作凶各  
本作妄作凶河上或作姜誤也容能公御注河上王弼能

作乃下四句皆然公能王王能天邢州本作公能生生能  
天其次親之豫之御注河上作親之譽之王弼作親之豫  
之其次畏之侮之河上畏之下有其次字信不足河上王  
弼足下有焉字有不信王弼信下有焉字由其貴言御注  
由作猶兮王弼作悠兮成功各本作功成有人義各本作  
仁義智惠出王弼作智慧或作慧智非孝慈大典作孝子  
絕民各本作絕仁相去何若王弼或作若何非忙其未央  
御注作荒其河上王弼荒下有兮字向末有哉字若享太  
牢罕別體字御注作如享釋文作若享引河上作饗若春  
登臺御注王弼作如春登臺河上作如登春臺我魄未兆

御注作我獨怕其未兆河上作我獨泊兮其未兆釋文作  
廓引河上作泊傳本作獨我魄兮其未兆大典作我泊兮  
其未兆王氏引邢州本與此同若嬰兒未孩各本作如嬰  
兒之未孩乘乘無所歸河上乘乘下有兮若二字王弼作  
僛僛兮若無所歸我獨河上我有而字之心河上王弼  
心下有也哉字純純河上王弼作沌沌兮釋文沌本又作  
恍我獨若昏王弼作我獨昏昏恍若海御注作忽若晦河  
上作忽兮若海王弼作漚兮其若海大典作漂乎一本作  
忽兮漂无所止御注作寂兮似無所止河上作漂兮若無  
所止釋文引河上作淵兮王弼作颺兮若無止梁簡文傳

奕作漂兮有已各本作有以我獨頑河上王弼我上有而  
字而貴食毋御注作而貴求食於母是從大典作之從忽  
恍中有象恍忽中有物顧歡與此同御注作忽兮恍其中  
有爲恍兮忽其中有物河上作忽兮恍兮其中有象恍兮  
忽兮其中有物或本二句互倒王弼與河上同之忽作惚  
窈冥中有精顧歡與此同御注作窈兮冥其中有精河上  
王弼作窈兮冥兮其中有精之然御注今河上作之然哉  
王弼作之狀哉釋文河上一本直云吾何狀也枉則正傳  
奕與此同諸本作則直弊則新釋文作蔽傳奕今王弼作  
蔽多則或各本作惑莫能與之爭河上無能字豈虛語各

本作豈虛語哉故成全各本作誠全無故字飄風王弼句  
上有故字孰為此天地河上王弼此字下有者字上不能  
久各本作尚不於人各本句末有乎字故從事而道者道  
德之同於德者德德之同於失者道失之信不足有不信  
古得德字通德之即得之也河上故作從事於道者道者  
同於道德同於德失者同於失同於道者道亦樂得之同  
於德者德亦樂得之同於失者失亦樂得之御注王弼無  
三樂字寧餘與河上同河上王弼作信不足焉之有不信  
焉企者不久御注河上作跋者不立王弼作企者不立奔  
者各本作跨者案當是奔字自見不明河上王弼自見下

有者字下四句皆然其在道王弼作其在道也御注河上  
作其於道也物或有惡之各本無有字故有道不處御注  
王弼道下有者字河上亦有者字句末有也字寂漠王弼  
作宋冥河上今王弼作寂兮寥兮鍾會作颺獨立不改御  
注河上立下有而字周行不殆各本行下有而字吾強為  
之名各本無吾字遠曰返河上王弼作反道大各本道上  
有故字王大各本王下有亦字而王處河上王弼作王居  
其一焉是以君子河上王弼作是以聖人晏處王弼傳奕  
作燕處如何各本以上有而字輕則失臣王弼作失本大  
典作失根轍迹河上作轍迹王弼作轍迹梁簡文云應車

邊今作彳邊者古字少也瑕謫御注河上作瑕謫王弼作  
瑕謫善計王弼作善數善策御注作善算不可開各本不  
上有而字下句亦然而无棄人各本而作故下句亦然善  
人御注大典作故善人河上作故善人者不善人河上人  
下有者字雖知河上王弼作雖智此謂各本作是謂為天  
下蹊各本作蹊釋文或作溪常得不忒各本作常德常得乃足  
各本作常德於朴御注作撲王弼作撲下句亦然朴散各  
本散下有則字聖人用為官長各本用下有之則字是以  
大制无割各本作故大制不割神器大典器下有也字不  
可為各本為下有也字夫物各本作故物或噓王弼作或



敝御注河上作或咄或羸各本作羸或接或隨御注河上  
接作載王弼梁簡文作挫以道作各本作以道佐荆棘生  
各本生下有焉字此句下各本有大軍之後必有凶年八  
字蓋注語羣入正文此本無王氏引邢州本亦無故善者  
果而已河上王弼無故字大典亦無故字而已下有矣字  
今王弼者作有不以取強各本不下有敢字果而勿驕果  
而勿矜果而勿伐御注驕作憍各本果而勿驕句在果而  
勿伐下果而不得以是各本以作已無是字謂之非道非  
道早已御注河上王弼作是謂不道不道早已傳奕王氏  
引邢州本皆作非道夫佳兵者河上無者字不祥之器大

典無之器二字故有道不處各本道下有者字大典處下有也字恬恢御注作恬澹河上作恬恢一作恬然王弼作恬淡故不美若美之御注河上王弼作勝而不美而美之者大典無而字是樂煞人各本作殺人大典人下有也字不可得意於天下御注作得志河上王弼作則不可以得志於天下矣大典無則字故吉事尚左各本無故字居左御注大典作處左下居右亦作處右煞人衆多河上王弼作殺人之衆此句上御注河上有言以喪禮處之六字蓋注語羣入正文此與大典皆無悲哀王弼作哀悲哀禮各本作喪禮朴雖小御注作撲王弼作撲天下不敢臣王弼

作天下莫能臣也王侯若能守御注河上王弼作侯王梁  
武與此同河上王弼守下有之字人莫之令河上作民莫  
夫將知止御注王弼作夫亦將知止河上作夫亦將知之  
知止不殆御注作知止所以不殆河上作知之所以不殆  
王弼作知止可以不殆譬道在天下河上王弼道下有之  
字與江海御注河上作之與江海王弼作之於江海強行  
有志各本行下有者字道記御注作道汎河上作道汎兮  
以生河上作而生成功各本作功成不名有傳奕大典作  
而不居愛養王弼作衣養大典作衣被不為主各本不上  
有而字下句亦然可名於大河上作為大大典作於大矣

又有是以聖人能成其大也<sub>是</sub>以聖人終不為大河上句末  
有也字王弼作以其終不自為大大典作以其不自大平  
太御注大典作平泰道出言御注河上王弼作道之出口  
傳奕作道之出言下視聽用三句各本皆有之字淡无味  
各本淡下有乎其二字用不可既御注河上作用之不可  
既王弼作用之不足既翕之河上作喻之王弼作歛之簡  
文作歛又作結必故作必固下三句皆然柔勝剛弱勝強  
大典與此同御注河上王弼作柔弱勝剛強傳奕作柔之  
勝剛弱之勝強國有各本作國之可示各本作可以示能  
守王弼守下或有之字之朴御注王弼作之樸亦將不欲

王弼作亦將無欲老子德經御注河上作老子德經卷下  
王弼作老子德經下篇忠信之薄御注作之薄<sub>下</sub>不處其薄  
亦然處其厚不處其薄居其實不居其華河上作處其厚  
不居其薄處其實不居其華王弼亦然万物各本作萬物  
天下止御注王弼作天下貞其致之句下或有一也二字  
高以下為基御注脫為字河上高下有必字不穀御注王  
弼作不穀河上云不穀喻不能如車穀為穀所湊世二章  
不穀而亦然非各本作非乎數車無車御注王弼作數與  
無與蘇靈芝書上與作與誤也落落王弼作珞珞天下万  
物河上王弼作萬物御注作之物勤而行之御注無之字

傳奕作而勤行之故建言有之御注無故字夷道若類御  
注王弼作若類善貸且善各本作且成不穀御注王弼作  
不穀或益之而損御注無或字我亦放之御注作亦我義  
放之無有入於無閒御注河上王弼無於字傳奕淮南子  
作出於無有入於無閒是以知無為有益御注是以知無  
為之有益益河上王弼有之字不重益字是故甚愛河上  
無是故故知足各本無故字以為天下正各本無以字罪  
莫大於可欲王弼無此句常足御注王弼作常足矣其知  
彌近各本作彌少又損之河上王弼無之字無不為各本  
無上有而字得善信者各本作德善下句亦然御注脫信

字怵怵御注作慄慄河上作悵悵王弼作歛歛蘭文云河  
上作怵高翻作咪動之死地十有三王弼高翻地下有亦  
字楷其爪御注河上王弼作楷釋文作錯是以万物御注  
作是以聖人夫莫之命御注傳奕作之爵成之孰之王弼  
作亭之毒之又知其子河上作復知王弼高翻作以知是  
謂習常御注高翻作襲常而人好徑御注高翻作民其好  
徑河上王弼作而民服文殊御注高翻作影厭飲食御注  
作獸高翻作胃是謂盜夸非道也哉王弼盜夸下復有盜  
夸二字釋文引河上本同于孫祭祀不輟王弼子孫下有  
以字韓非子有以其世世四字脩之身河上王弼脩之下

有於字下脩之家脩之鄉亦然御注高翹五句皆無於字  
其德有餘衆本作乃餘御注作其德能有餘韓非子與此  
同脩之於國韓非子作於邦與豐叶韻今沿漢避諱改也  
天下之然河上作之然哉王弼作然哉無之字毒蚤不螫  
御注河上高翹作毒蚤不螫王弼作蜂蟄虺蛇不螫按虫  
虺兩通作蟲者誤而蛟作王弼作而全作釋文引河上作  
蛟一本作腹精之至河上王弼至下有也字下句亦然號  
而不噴高翹而下有監字知常曰明河上作日明下二句  
亦然謂之不道御注高翹作是謂不道解其忿河上作紛  
王弼作分不可得而疎河上不上有亦字下二句皆然亦



不可得而賤諸本無亦字河上有以正御注作以政以奇  
御注誤作以其知其然河上王弼高翻然下有哉字而人  
彌貧人多利器各本而人作而民下三句亦然我無事人  
自富御注此句在我好靜之上其人醇醇各本作其民御  
注王弼高翻作漭漭禍福之所倚福禍之所伏御注河上  
王弼作禍兮福所倚福兮禍所伏其無正御注作正邪政  
復為奇各本作正復人之迷御注河上高翻作民之廉而  
不害御注作不穢王弼作不劇不曜御注作耀王弼作耀  
則無不尅御注王弼作不克下句亦然固蒂御注作故蒂王  
弼作固抵不傷人御注作傷民下二句亦然交歸各本作

文歸焉天下之北御注作之文高翻作之文北牡常以靜  
勝北各本作牝常以靜勝牡則取大國御注作則聚故或  
下以取或下如取御注下句作或下而聚河上王弼高翻  
作而取此兩者河上王弼作此夫高翻無此字不善人之  
所不保各本作所保不日求以得河上王弼求字在以字  
下高翻曰作曰有罪以勉諸本作以免邪高翻作不免邪  
苗難於易為大於細各本於下皆有其字故欲無難王弼  
作無難矣其脫河上作其牝易破王弼作易泮是以聖人  
無為河上無是以復衆人御注作衆民非以明人各本作  
明民以其多智各本作智多以智治國御注王弼高翻作

故以亦指式河上作楷王弼作楷下句亦然溪遠與物反  
各本作溪矣遠矣與物反矣百谷王各本王下有者字以  
其善下之河上無其字是以聖人欲上人王弼無聖人河  
上王弼作上民必以言下之御注作以其言我大王弼作  
我道大不肖各本不上有似字下故不肖亦然其細御注  
王弼作其細也夫高翻作其少也夫河上其細句絕以夫  
字屬之下句持而寶之御注作保而持之高翻同河上王  
弼作持而保之夫慈故能勇河上王弼無夫字今捨慈且  
勇御注高翻捨下有其字下二句亦然且先御注誤作先  
且古之善為士者各本無古之不爭河上王弼作不與善

用仁者為下各本仁作人御注王弼作為之下是以用人  
之力各本作是謂行无行各本无作無下皆倣此仍无敵  
王弼作仍則哀者勝各本作哀者勝矣無則字知我者希  
則我者貴御注脫我者希則四字而注中有之是以聖人  
不病御注作夫唯病是以不病聖人不病河上王弼高翻  
夫唯病下復有病字大惑至御注王弼高翻句上有則字  
河上無則字末有矣字无挾王弼作無狎如此兩者河上  
王弼無知字孰知其故此句下各本有是以聖人猶難之  
不召而自來□然而善謀來下一字未刻御注王弼高翻  
作繹釋文引梁王尚鍾會孫登張嗣作繹坦二字引河上

作殫疏而不漏各本作不失民不畏死高翱民下有情字  
若使常畏死御注高翱使下有人字河上王弼有民字然  
之各本作殺之下倣此代大匠斲御注無字夫代大匠斲  
御注無夫字其手御注王弼作其手矣河上作其手者矣  
民之飢御注作人之口有為河上王弼高翱作上之有為  
生生之厚各本作求生人生之衆本作人之生也高翱作  
民之生也其死各本作其死也生之御注作生也衆本作  
之生也其死各本作其死也未強則共王弼傳奕作則兵  
故堅強處下各本作強大處下無故字張弓御注河上作  
張弓乎王弼作張弓與不足者與之王弼作補之而補不

足御注無而字人道各本作人之道損不足各本足下有  
以字孰能有餘以奉天下御注以字在能字下其唯有道  
者各本無其字為而不持御注無而字功成不處河上王  
弼成下有而字斯不見賢各本作其不欲見賢高翻白末  
有邪字天下柔弱莫過於水王弼作天下莫柔弱於水而  
攻堅強莫能之先御注王弼強下有者字先作勝河上亦  
有者字作莫之能勝高翻作莫之能夷故弱勝強柔勝剛  
御注高翻作故柔勝剛弱勝強河上王弼無故字作弱之  
勝強柔之勝剛莫能知各本能作不故聖人云御注作是  
以聖人言王弼作是以聖人云受國不祥河上高翻國下

有之字不責於人御注河上王弼作而不責於民故有德  
河上王弼無故字小國寡人各本作寡民什伯之器河上  
伯下有人字使人重死河上王弼作使民鷄狗之聲御注  
高翻作雞犬之音王弼雞犬之聲既以為人已愈有御注  
作與人以上三百世九事皆景龍本異文是時御注未出  
所行皆六朝舊本故文句簡古卓然可據如斯聞亦有承  
習舊訛或寫刻時錯脫不可為訓者是在善讀者之擇善  
而從也

鐵橋  
漫稿

此碑始見潛研跋尾繼得嚴氏詳校益顯於世今審碑拓  
知嚴氏所舉異文間有謄舛其引各家不著某刻證以聚

珍王注王刻河上畢刻傳本皆有出入又釋文博米衆家  
既稱參校似當盡載及以納蘭本逐條對勘去取不一且  
或移其先後以之次度解其念一條據兩刻嚴氏即有釋  
文善本出兩刻外要當大段符合不至懸絕廓泊沈恍何  
以採引強彊分乎何以割棄此中例義竊所未喻嚴答徐  
星伯書稱著老子唐本攷異一卷據易州碑文傳奕古本  
明皇注本與釋文互校書未專行唐刻老子尚有廣明元  
年殘幢近日歸安吳平齋觀察得於秦州移竄焦山嚴不  
及見今欲取各本補嚴所遺板刻紛歧徒益軋轢因就嚴  
校之誤審本碑及漏引蘇書御注者兩石本條附於後庶



使景龍異文多所識別後之讀者無疑三寫其板本異同  
一切略知如潛研跋云作云一事指板刻云云碑作云云  
嚴即未校御注剝泐遂闕如也後乘乘无所歸嚴作無誤  
埏埴御注埏作埏與釋文合何謂寵辱下為御注作何謂  
寵辱寵下泐文闕而異敦若朴朴入兌惟鎮之白御注作  
撲餘作撲嚴舉於朴朴雖小之朴三條校撲撲字贅漏案  
本傍隸多借手唐人行押更無一定當著此最先一白後  
校可省又如此碑真輜攬伎缺缺作貴輜攬伎缺被之類  
偏旁照畫互有差異嚴皆從略附舉於此熟能碑皆以熟  
為孰御注成之熟之作熟餘作孰絕聖棄智御注智作知

為文不足御注為上有以字忙其未央忙其二字間原空  
一格或待補刻或誤分章後純純二字亦空一格例以碑  
陰首行疑當時即因石泐泐書孔得之容御注得作德古  
之所謂曲則全豈虛語御注全下有者字下句作豈虛言  
哉本者此本字原刻偏右疑是跽字失刻左半嚴作本謂  
當是本甚誤自見不明御注見下有者字三句無嚴僅引  
河上王弼為天下式谿谷二句重此句不重蓋脫御注三  
句皆重其事好還御<sup>注</sup>脫好還二字果而不得以是嚴云各  
本以作已無是字案御注已下有是字與碑同物壯則老  
御注壯作壯與德經一句同德經句碑亦作壯此壯字誤

是以偏將軍御注無是以二字勝人有力御注人下有者  
字不為主可名於大御注主下可上有常無欲可名於小萬物歸之不為主十四字視不足見御注不上有之字下句同用  
不可既嚴云御注河上作用之不可既按御注脫既字故  
張故強固興固與上二句作故下二句作固嚴云必故各  
本作必固下三句皆然誤而王公以為稱御注王公字倒  
無有入於無聞聞疑碑誤聞釋聞嚴誤是以知無為有益  
御注作吾是以躁勝塞御注塞作寒德畜之御注無德字  
而作而下原空一格嚴臆增峻字御注泐亦不可得而害  
上而疏句無亦字此與下而賤句有亦字嚴唯校而賤句  
治人事天御注人作民民若亭小解御注亭作享故得文歸

御注作故得交歸焉天下之牝牡常以靜勝牝以靜為下  
嚴分天下之牝及牡常以靜勝牝為二條案各本作牝常  
以靜勝牡當以六字為句如此刻則似天下之牝牡一句  
常以靜勝一句牝以靜為下一句猶難之御注猶作由故  
終無難終嚴誤作欲是以聖人處上御注無聖人二字樂  
推而不厭此句厭字及後无厭其所生夫唯不厭御注作  
獻前厭飲食後是以不厭御注作厭民不畏威御注民作  
人莫之□先嚴云莫能之先御注王弼先作勝河上作莫  
之能勝案先上一字碑泐據御注作莫之能嚴蓋誤倒此  
碑及御注王弼之能二字所據碑拓能字當顯繫作與老

子德經卷下御注後無標題以上各條或正嚴誤或補嚴

闕其分章異同嚴校所略洪氏平津記參引王弼未詳何

本有之二句據聚珍本在十一章洪云十二重今即略諸為短根二句據聚珍本在廿六章洪云廿七

板刻御注文石柱多泐難可都計不復校列續語堂碑錄

碑側題名有刺史染師□威儀染遺焉氏族略染氏即

冉氏石虎將染閔魏郡內黃人此其裔矣又有官代州

郭縣主簿者代州無郭縣乃崞縣之誤猶瀉淳于氏或作

淳又書作郭也